

# Powšitkowne WOZJEWJENJA

njedźelu, 4. awgusta 2013

## Wulět seniorow

Hornjoložiski zwjazk Carity přeprošuje seniorow na wulět do Altenberga. Bus wotjědže z Kamjenca srjedu, 4. septembra, w 13 hodź. Zajimcy měli so hač do pjatka, 23. awgusta pod telefonowym čisłom (0 35 78) 37 43 21 pola Carity w Kamjencu přizjewić.

## Wopomnjenski nyšpor za Michała Hórnik

Towarstwo Cyrila a Metoda z.t. (TCM) přeprošuje wěriwych ze wšitkich wosadow na wopominanje 180. posmjertnych narodnin přenjeho redaktora Katolskeho Posoła Michała Hórnik do Worklec. Swjedženski nyšpor budže njedźelu, 1. septembra, w 15 hodź. při pomniku. Z tutej Božej službu zakonča so zdobom jubilejne zarjadowanja skladnostnje 150lětneho wobstaća TCM a 150. rónicy přenjeho wudaća Katolskeho Posoła. Nyšporej přizamknje so swačina.

## Swjedžen poezije tež na česć Antona Nawki

Zwjazk serbskich wumělcow (ZSW) wěnuje 35. mjezynarodny swjedžen serbskeje poezije Minje Witkojc (1893-1975) a Antonej Nawce (1913-1998), kotremuž su předewšěm zarjadowanja w Hornjej Łužicy wěnowane. Pod hesłom „Poezija zetkawa so z rězbarstwom“ přeprošuje ZSW na bjesadu při kofeju a tykancu, kotraž budže sobotu, 10. awgusta, wot 15.00 do 16.30 hodź. při Krabatowym kamjenju w Miłočanskej skale. Samsny dzeń wječor přeprošuje ZSW wot 19.00 hodź. na Budysku nóc poezije do a wokoło Stareje wodarnje, Serbski kěrchow 2. Wjace informacijow je pod [www.zsw-skb.de](http://www.zsw-skb.de) wozjewjenych.

## Putniska jězba do Słowjenskeje

Za putnisku jězbu do Tinjow (Tainach) pola Klagenfurta w Awstriskej wot soboty do soboty, 19. do 26. oktobra su hišće městna swobodne. Pojědžemy mjez druhim na słowjenske putniske městno Brezje a do stolicy Ljubljany. W Awstriskej wobhladamy sej Maria Wörth. Přizjewće so prošu lěpšeho planowanja dla jara bórže pola mje w Radworju, telefonowe čisło (03 59 35) 2 04 25.

*Terezija Kubašec*